

咄嗟性癖愛尋山及至山間卻憶還俯仰坡陀艱負荷崎嶇磴
節倦躋攀力熊饑虎時臨側獷獵備樵暮叩關爭似定心如玉
立卓然隨處自安閒

遊仙人澗

信步登臨學采眞公和遺躅鶴山鄰道鄉自屬雲霞侶地僻元
無車馬塵石底靈泉寒浸月殿前古柏暗藏春草堂喚起山童
問還有呼風長嘯人

訪五巖

五巖壁立列山顏洞府深沉積翠環華蓋彌羅懸玉室石門幽
邃透玄關物經換世人何往人去朝元鶴未還雅操不聞遺跡

道藏輯要

雲山集

七

蜀集六
川。文

在一天明月嘯臺閒

罷釣

白蘋紅蓼幾千秋鱗鱗金鱗不上鉤雲餌括囊徒自祕虹竿收
拾便宜休離朱罔測還南望狂屈難言知北遊千丈洪濤滄海
闊滿天明月一虛舟

溫邦瑞壽日

院宇朝來氣象佳暗添福壽在君家人間幻境他時識物外眞
風此日誇保命玉壺收絳雪延生金鼎煉丹砂肯來共飲玄洲
上坐看蟠桃幾度花

偶遇